



MUHAMMAD Daniel Haikal
mengalami proses
mengukur kaki palsu yang
dicampurkan Syarikat
Kediri Kaki Palsu

Pekas: Peluang remaja cacat, Muhammad Daniel Haikal Hasdi berjalan tanpa tongkat semakin cerah apabila syarikat pembuat kaki palsu mahu merealisasikan impian anak sulung daripada tiga beradik itu.

Syarikat Kediri Kaki Palsu berpangkalan di Seri Kemangan, Selangor bersetuju menyumbang kaki palsu buatan tangan sepenuhnya kepada remaja terbabit yang masih belajar di tingkatan dua Sekolah Menengah Kebangsaan (SMK) Lepar, di sini.

Jurucakap syarikat itu, Syafiq Redzuan Abdullah berkata, selepas membaca berita disiarkan Harian Metro minggu lalu pihaknya mengambil keputusan menyumbangkan kaki palsu berkualiti tinggi kepada remaja terbabit.

Menurutnya, ada beberapa faktor menyebabkan remaja itu tidak selesa memakai kaki palsu diterima sebelum ini hingga berlaku kecederaan dan berdarah pada kaki kanannya yang cacat sejak lahir.

"Berebalkan kepakaran yang syarikat miliki, kami yakin kaki palsu seratus peratus buatan-tangan yang di-

Peluang Daniel Haikal berjalan makin cerah

hasilkan dapat menyelesaikan masalah dihadapi Muhammad Daniel Haikal yang terpaksa menggunakan tongkat bahu untuk ke sekolah.

"Menjadi tanggungjawab kami membantu remaja terbabit bergerak dengan selesa tanpa menyebabkan kecederaan dan keadaan tidak selesa secara berterusan," katanya yang berkunjung ke rumah remaja itu di Kampung Batu Lapan Lepar, semalam.

Syafiq Redzuan berkata, selepas mengambil ukuran dan bentuk kaki, pihaknya akan mengambil masa dua minggu untuk menyiapkan kaki palsu berkualiti tinggi sebelum dapat digunakan remaja terbabit.

Katanya, bantuan kaki palsu itu diharap dapat memberi lebih keselesaan untuk bergerak terutama di sekolah dan mengikuti aktiviti di luar rumah.

"Apabila siap nanti kita akan menyerahkan sendiri kaki palsu kepada Muhammad Daniel Haikal.

"Saya akan pastikan kemudahan yang diberikan itu dapat digunakan dengan selesa dan memuaskan," katanya.

Harian Metro sebelum ini menyiaran berita mengenai kepayahan remaja terbabit yang dilahirkan cacat kaki kanan tidak dapat menggunakan kaki palsu sumbangan Jabatan Kebajikan Masyarakat (JKM) disebabkan tulang kaki yang dipotong tahun lalu memanjang.

Malah setiap kali memakai kaki palsu itu, kaki kanannya luka dan berdarah hingga menimbulkan pelbagai masalah menyebabkan dia memilih menggunakan tongkat ke sekolah dan berkerusi roda di rumahnya.

Sementara itu, Pegawai JKM Pekan, Zulkifli Mahmud berkira, pihaknya sudah mengarahkan syarikat yang bertanggungjawab membekalkan kaki palsu kepada Muhammad Daniel Haikal sebelum ini supaya membalknya.